

Universitätsbibliothek Paderborn

**R. P. Lucae Pinelli Societatis Jesu Theologi, De
Perfectione Religiosa, Et Obligatione, Qvam Qvisqve
Religiosus ad eam consequendam habet. Libri Quatvor**

Pinelli, Luca

Mogvntiae, 1604

III. Non esse satis religioso corpus refrenare, nisi & anima coerceatur.

[urn:nbn:de:hbz:466:1-46699](#)

idcirco minimam quamque inualetudinem corporis attribuit laboribus in religione exantlatis. At quomodo in talibus potest esse vel spiritus, vel religiosa disciplina? O infelices subditos, nec minus infelices superiores, qui hæc in religione, cuius ipsi sunt pastores permittunt, cum hoc non sit aliud quam peste quadam illam inficere, & iuuenibus demonstrare viam ad eā prorsus labefactandam.

Non satis esse religioso corpus refrenare, nisi & anima coerceatur.

CAPUT III.

FILI, quod religiosus ita cohibeat corpus suum, eiusque sensus, ut non insolecant, vel insurgant aduersus animam, bonum & salutare est, sed non consistit in eo religiosa perfectio, sed potius in internis animi virtutibus, ex quibus proficitur reformatio passionum & sensuum. Nec corpus ab anima dirigi potest, nisi prius anima ipsa cum suis facultatibus fuerit ad rectam normam reuocata. Regula inflexa non valet ad alias res dirigendas. Tunc verò anima est ad rectam

Aa 4 nor-

normam directa, quando conformata est voluntati diuinæ, quæ est prima & infallibilis regula. Mortificet aliquis carnem suā, quantum libet, eamque quoad fieri potest teneat subiectam, si animi affectus non sint ad normam certam reuocati, nunquam aspirabit ad eam tranquillitatem, quæ ad comparandam perfectionem est necessaria. Affectus quoque ad moderationem reducnon queunt, nisi prius eodem reducuntur eorum principia, à quibus oriuntur, id est, intellectus, & voluntas.

Nostri intellectum esse supremam hominis potentiam vel facultatem, à qua omnis harmonia & moderatio cæterarum facultatum pender. Voluntas non intelligit, & ideo operari nequit, nisi adiuta luce & cognitione intellectus. Reliquæ facultates inferiores, quæ exequuntur quicquid ordinatū est à superioribus, pendent quoque ab intellectu, quippe qui quid agendū sit illis demonstret. Quod si intellectus non fuerit ad æquitatem suam redactus, totus hominis interioris, exteriorisque status disiicitur & turbatur. Intellectū quidem præcipue peruerit iudicium proprium, à quo sic excæcatur, ut perperam ratiocinationes suas instituat, & prius conclusiones suas indeedu-

de educat. Vnde si tu intellectum ad iustum moderationem reuocare velis, necesse est, ut illi adimas proprium iudicium. Proprium iudicium voco illud tuum opinari, tuum propositum, tuam sententiam, quæ cum meo tuorumque Superiorum iudicio non congruit, & ideo propriè est tua, tibiique peculiaris, à communi tuorum maiorum, sapientum, & virtute præditorum iudicio dissentiens. Cum igitur hoc iudicium tuū non sit consentaneum meo, hoc est primæ & nunquam fallenti regulæ, rectum & bonum esse non potest. Quæ enim vel rectitudo vel bonitas eius esse potest, quod nascitur ex superba præsumptione? Dum tu proprio niteris iudicio, non modo illud anteponis aliorum iudicio, sed etiam existimas illud præstare aliorum iudiciis, omnes hallucinari te excepto, neminem intelligere rem, nisi te, vnde & animo efferris, cæterosque tanquam hebetes & minus intelligentes aspernaris nonnè hæc luculenta est præsumptio & superbia? Quid verò deterius esse potest, quam arroganter se omnibus anteferre? Hinc venit, ut tuo iudicio plus æquo addictus, in deliberationibus tuis nullum des locum aliorum consiliis: quod non est aliud, quam facere te obstinatum, proteruū

Aa 5 & per-

& pertinacem. Quis iam miretur, si fraudibus & imposturis diabolicis sis obnoxius? Si in grauissimos labaris errores? Vnde enim ortæ sunt hæreses, schismata, sectæ, discordiæ, aliæque innumeræ turbationes, quæ olim fuere, & nunc sunt in mundo, nisi ab hominibus nimium ingenio iudicioque suo præsidentibus? Iudicium proprium quo tibi carius est, hoc maiori damno te afficit, diuellit te siquidem a tuis Superioribus, facit ut videare sapiens in oculis tuis, ut tibi plus æquo fidas, ut citò ad fastigium superbiæ peruenias, ac denique ut te præcipitem agat in eam cogitationis foueam, quo putas te nullo in via spirituali duce indigere. O quanto intelligentior, sapientiorque est religiosus, qui iudicio Superioris vtitur tanquam suo, nec aliud quaerit. nam hoc modo satisficit mihi, in cælo accumulat meritum, & tranquillam vitam, qua nihil iucundiùs est, agit in terris.

ALIVD quod turbat & peruerit intellectum est curiositas res diuinas intelligendi. Nam cum intellectus natura proclivis sit ad res intelligendas, si curiositatis calcaribus præterea stimuletur, per tot ignorantias vagabitur nationes, ut se ipse tandem

dem perdat Res diuinæ intelligentiam humana longè excedunt, & ideo comprehendere eas nequit qui ergo curiosè volet earū indagare mysteria, facilè à lucis immensitate offuscabitur. Si enim corporei oculi citra visus iacturam non posunt defigere aciem in lucem solis, qua ratione visu intelligentiam humanam natura finitam, & limitibus circumscriptam posse inaccessibilem illam Dei lucē, quæ infinita est, capere? Qui grauat se onere viribus suis impari, meritò ab onere opprimitur. Deus non foret Deus, si ab intellectu creato comprehendendi posset. Desideras sapienter tractare res diuinæ, applica te ad virtutem fidei, nec aliud quære. hæc enim breuissimo tempore, & certissimè docebit te quicquid necessarium est ad salutem æternam. Tolle quoque è medio curiositatem cognoscendi, quæ ad Superiores, aliosque ad te non attinentes, spectant; quia plurimum te perturbant, atq; etiam impediunt, quod minus ad moderationem iustam intellectus peruenias. Quid opus est te aliorum defectibus intelligendis operam dare, cum sufficere tibi debeat, si cognoscas tuos, quos si probè cognoscas & sedulo corrigas, non exiguum operæ premium facies.

Curio-

Curiositatis hoc vitium est, stimulare ad expiscandas res alienas, & obliuisci proprias.

Es t & alius defectus intellectus, nempè temerè iudicare, qui nisi tollatur non potest dici Intellectus ad normam iustum redactus. Contingit autem hic defectus, quando sine causa, nullis antegressis indicis indubitatum iudicium de aliorum factis pronunciatur. Quod si verò etiam quis intentionem alicuius in malam partem interpretetur, cum possit in bonam, vel etiam excusare, eiusmodi iudicium valdè perniciolum est tuo autori, quia & caritas, & iustitia læditur. Si iudex non sis interioris hominis, nec eum cognoscis, cur audes cum iudicare? Ego solus sum scrutator humorum cordium. mihi soli perspecta est unusquisq; intentio, & id circò mihi soli munus iudicandi deferendum.

Ad dirigendam deindè voluntatem, opus est tribus in primis mederi defectibus, non minus fastidiosis, quam periculosis. Primus est, quod voluntas natura sua sit cæca & mille lapsibus obnoxia. Alter est, cum sit libera, vagari potest quocunque libuerit, siue rectam, siue malam viam teneat. Quatenus cæca est, ne aberret, & labatur, opus habet duce. Quatenus libera verò, ne fines

ratio-

rationis excedat, indiget fræno Dux erit voluntas diuina, ab iis declarata, qui vices meas in gubernatione obeunt. Frenum erit diuinae iustitiae timor, qui illam itinere recto & seculo deducet. O felicem religiosum, qui tali freno circumductus tam fidum sequitur ducem.

TERTIVS defectus est, quod voluntas soleat esse sui ipsius proprietaria, quo nisi liberetur, non poterit in ordinem redigi. Religiosum esse, & propriam voluntatem retinere, vna consistere nequeunt. Is enim verus religiosus dicitur, qui cum cruce sua sequitur me. Iam autem in sacra mea Scriptura decretum est, neminem posse sequi me **Mat. 26.** nisi abneget seipsum & propriam voluntatem deserat.

DO M I N E, estnè ergò propria voluntas, si feratur in res pias & salutares, deferenda? Fili, quicquid propria voluntate desideras, debes relinquere, siue temporale sit, siue spirituale. Voluntatem propriam appello illam, quæ non consentit cum mea, vel tuorum superiorum, ac propriè tua est. & quia à mea discordat, bona esse non potest. Voluntas propria est, quæ mihi indicit bellum, hanc horreo, hanc odi, hanc fundavi in inferno, hanc infernus souer, & hæc sola in illo scue-

Io seuerissimè punitur. O dementem religiosum, qui pluris suam, quàm diuinam voluntatem facit. Non sic ego feci. Quando mea humanitas refugiebat bibere amarum passionis calicē, dixi Patri cælesti, *Non men, sed tua voluntas fiat.* Si ego ergò in hac vita

Mat. 26. non volui voluntatem meam facere, vide turnè tibi, decere ut facias tuam? An existimas conueniens esse, vt tuam voluntatem anteferas Creatoris tui, maiorumque tuorum voluntati? Qui plus æquo se extollit magnis uam voluntatem æstimando, lapsu quoque grauiore in suum exitium ruet.

Religioso exuendum esse immoderatum affectum in parentes.

CAPUT IV.

FILI, nisi oblitus fueris populi tui, & domus patris tui, ego nō amplectar te, nec tecum familiariter agam. Non satis est semel renunciaisse mundo & parentibus, vti fecisti initio tuæ conuersationis: sed vt ad gradum perfectionis tibi propositum pertinas, necessarium est vt in eadem renuntiatione usque ad finem vitæ persistas Parū vel nihil prodest captiuo egressum esse portam carceris, nisi & compedes quibus astrinxus.